

Livel: C

Plata de lëur per l ejam a usc

Tëmp per se njenië ca: 10 menuc

L ejam a usc ie parti su te doi pertes: te na prima pert giapëis n test ladin da liejer y capì cun cater dumandes da njenië ca per la segunda pert, la cunversazion a usc. Ntan la cunversazion a usc respundëis ala dumandes y la cumiscion possa mo fé dumandes liedies sëuraprò.

1 Jì a crëp inier y ncuei

2 Ntlëuta univa l jì a crëp udù cun na cërta desfidënza. La Dlieja fova plutosc critica de
3 vieres de chësta atività y nsci nce na gran pert dla jënt. Trueps minova che l jì a crëp
4 ne fossa nia auter che na viertla per se n mucé dal lëur y per tré via tëmp. L ziplé
5 fova n davani segur! l prevesc dijova che la persona ne n'à degun dërt de rischië la
6 vita per nia y de fé sté cun festide genitores y cumpanies.
7 L alpinist de Gherdëina Batista Vinatzer conta che avisa perchël ne se ëssel mei
8 nfidà a passé ora per la valeda cun na corda sun la sciabes y ël se lecorda dla gran
9 tēma che l ova abù giut alalongia. l alpinisc univa nce critichei davia che si pascion i
10 purtova suvënz demez da cësa, vel' iede per plu dis, y nsci sparcantovi duc i scioldi
11 davaniei cun gran fadia.
12 Sce zachei giauriva na via nueva su per n crëp univel scrit su. Degun ne pudova
13 mentì o se nventé velch, davia che l tlecova ti jì do ai aguc tl crëp per unì sëura sce l
14 fova vëira che zachei fova jic su tlo o iló. Tert o abenëura univen daniëura sëura sce
15 un se ova mé arpizà cun la paroles.
16 l mëinacrëp plu de tëmp conta che do la Segunda viera mundiela à la tecnica y la
17 massaria fat n gran var inant. Vëira iel che al didancuei iel scialdi plu saurì, no mé a
18 se arpizé, ma dantaldut a seguré zachei. Plu da giut messoven mo tenì l cumpani
19 cun la forza di braces. L bastova puech per se giapé n drë zer y pierder l balanz;
20 chësc ne suzed sën nia plu. L jì a crëp ie diventà scialdi plu segur.
21 Cie che ie unì piec ie la cumpëida de chëi che va a crëp. Al didancuei iel sun
22 Saslonch, sun la Fermedes o sun i Ciampanii dl Sela tan de jënt che l semea de
23 vester sota la *Lauben* a Bulsan.

1. Co udova pa la jënt da plu da giut l jì a crëp?

2. Ciuldì univa pa i alpinisc critichei?

3. Cie se à pa mudà n cont dl jì a crëp?

4. Ciuna minonga ëis'a Vo n cont dl sport estrem?

5. Dumandes liedies.